

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ
ҚАРОРИ**538 2010 — 2012 йилларда Қўқон шаҳрининг саноат салоҳиятини ривожлантириш, ишлаб чиқаришни модернизациялаш ва маҳаллийлаштириш лойиҳаларини амалга ошириш чора-тадбирлари дастури тўғрисида**

Янги ишлаб чиқаришлар ташкил этиш, ишлаб турган саноат корхоналарини модернизациялаш ва технологик жиҳатдан қайта жиҳозлаш, ишлаб чиқарилаётган рақобатбардош маҳсулотларни маҳаллийлаштиришни чуқурлаштириш ҳисобига Қўқон шаҳрининг саноат салоҳиятини янада ривожлантириш, шунингдек шу асосда аҳолининг бандлигини ва даромадларини ошириш мақсадида Вазирлар Маҳкамаси **қарор қилади**:

1. Ўзбекистон Республикаси Президентининг «Қўқон шаҳрини саноат жиҳатидан ривожлантириш ҳамда уни ободонлаштириш ва инфратузилмасини яхшилашга доир қўшимча чора-тадбирлар тўғрисида» 2009 йил 19 октябрдаги Ф-3283-сон фармойишига мувофиқ ташкил этилган Ишчи комиссия томонидан Ўзбекистон Республикаси Иқтисодиёт вазирлиги ва Молия вазирлиги, Фарғона вилояти ва Қўқон шаҳри ҳокимликлари, бошқа манфаатдор вазирликлар, идоралар, хўжалик бирлашмалари, тижорат банклари иштирокида ишлаб чиқилган 2010 — 2012 йилларда Қўқон шаҳрининг саноат салоҳиятини ривожлантириш, ишлаб чиқаришни модернизациялаш ва маҳаллийлаштириш лойиҳаларини амалга ошириш чора-тадбирлари дастури маъқуллансин. Дастур қуйидагиларни ўз ичига олади:

2010 — 2012 йилларда Қўқон шаҳри корхоналарини модернизациялаш ва технологик жиҳатдан қайта жиҳозлаш, саноат маҳсулотларини маҳаллийлаштиришни чуқурлаштиришнинг аниқ дастурини 1-иловага* мувофиқ;

Қўқон шаҳри саноат корхоналарини молиявий соғломлаштириш дастурини 2-иловага* мувофиқ;

Қўқон шаҳрининг истикболсиз саноат корхоналарини янги мулкдорларга жадал сотиш тадбирларини 3-иловага* мувофиқ.

2. Ишчи комиссия (Р.С. Азимов)га белгиланган муддатларга мувофиқ ушбу қарор билан тасдиқланган Чора-тадбирлар дастурида назарда тутилган тадбирлар самарали амалга оширилиши билан боғлиқ масалалар бўйича давлат ва хўжалик бошқаруви органлари, тижорат банклари, маҳаллий давлат ҳокимияти органлари фаолиятини мувофиқлаштириш функцияси юклансин.

3. Дастурда назарда тутилган чора-тадбирлар амалга оширилиши учун масъул бўлган Фарғона вилояти ва Қўқон шаҳри ҳокимликлари, вазирликлар, идоралар ва хўжалик бирлашмалари, тижорат банклари:

ўн кун муддатда Чора-тадбирлар дастурига киритилган инвестиция лойиҳаларининг лойиҳа ҳужжатларини ишлаб чиқиш ва инвестиция лойиҳала-

* 1 — 3-илловалар рус тилидаги матнда берилган.

рини амалга ошириш тармоқ жадвалларини белгиланган тартибда тасдиқла-синлар;

тасдиқланган Чора-тадбирлар дастурида назарда тутилган параметрлар-га ва муддатларга мувофиқ корхоналарни молиявий соғломлаштириш ва банкрот корхоналарни янги мулкдорларга жадал сотиш чора-тадбирлари сўзсиз бажарилишини таъминласинлар;

хар ойда Чора-тадбирлар дастурига киритилган тадбирлар бажарилиши мониторингини олиб борсинлар, тадбирларни сўзсиз ҳал этиш юзасидан зарур тезкор ва амалий чора-тадбирлар кўрсинлар;

хар чорақда Ишчи комиссияга Чора-тадбирлар дастурига киритилган тадбирлар бажарилиши тўғрисида ахборот берсинлар.

4. Ўзбекистон Республикаси Иқтисодиёт вазирлиги, Саноат кооперацияси асосида тайёр маҳсулотлар, бутловчи буюмлар ва материаллар ишлаб чиқа-ришни маҳаллийлаштириш дастури амалга оширилишини таъминлаш бўйи-ча махсус идоралараро комиссия ушбу қарорга 1-иловада кўрсатилган лойи-ҳаларни белгиланган тартибда тегишли йилнинг Инвестиция дастурига ва Саноат кооперацияси асосида тайёр маҳсулотлар, бутловчи буюмлар ва материаллар ишлаб чиқаришни маҳаллийлаштириш дастурига киритсинлар.

5. Ўзбекистон Республикаси Давлат солиқ кўмитаси, Монополиядан чиқариш, рақобат ва тадбиркорликни қўллаб-қувватлаш давлат кўмитаси бир ҳафта муддатда 3-иловага киритилган иқтисодий ночор корхоналарга нисба-тан белгиланган тартибда банкротлик тартиботини қўллаш ташаббуси би-лан чиқсинлар.

Олий ҳўжалик судига қарздор корхоналарни банкрот деб эътироф этиш тўғрисидаги даъво аризаларини кўриб чиқишни ҳамда 3-иловада кўрсатил-ган ишламаётган, иқтисодий ночор ва эскирган асбоб-ускуналардан фойда-ланаётган саноат корхоналари бўйича тугатиш ишини бошлашни жадаллаш-тириш тавсия қилинсин.

6. Белгилаб қўйилсинки, истисно тариқасида:

3-иловага киритилган саноат корхоналари банкрот деб эълон қилинган-дан кейин уларни мулкӣ комплекслар шаклида тижорат банклари ва инвест-торларга сотиш, ишлаб чиқариш тиклангандан ҳамда корхоналар янги мулк-дорларга сотилгандан кейин, кейинчалик қарзларни кредиторларга қайтар-ган ҳолда, савдо ўтказилмасдан инвестиция мажбурияти остида бепул бе-риш шартларида амалга оширилади;

инвентаризация, мол-мулк қийматини баҳолаш ҳамда банкрот корхона-ларнинг мол-мулкни сотиб олувчи тижорат банклари ва инвесторлар би-лан шартномалар тузиш тугатиш иши бошланган пайтдан бошлаб уч ҳафта мобайнида амалга оширилади.

7. Ишчи комиссия (Р.С. Азимов)га ушбу қарор билан тасдиқланган 2010 — 2012 йилларда Қўқон шахрининг саноат салоҳиятини ривожланти-риш, ишлаб чиқаришни модернизациялаш ва маҳаллийлаштириш лойиҳала-рини амалга ошириш чора-тадбирлари дастурига, зарурият бўлганда, Ўзбе-кистон Республикаси Иқтисодиёт вазирлиги ҳамда бошқа манфаатдор вазир-

ликлар ва идораларнинг хулосалари ҳисобга олинган ҳолда тузатиш киритиш ҳуқуқи берилсин.

8. Мазкур қарорнинг бажарилишини назорат қилиш Ўзбекистон Республикасининг Бош вазири Ш.М. Мирзиёев зиммасига юклансин.

Ўзбекистон Республикаси
Президенти

И. КАРИМОВ

Тошкент ш.,
2009 йил 11 декабрь,
310-сон